

## JEMS

Ta yokwowa Jisis siir nomousimin Jems nikuwiyin siya winkika siir nomiiyauwim Judamiyim yipiki naingwo tibmiiyim Jisis siiram yipikim hinda tinda nwowim simiiram. Biya Jems siya hinina bi naingwokin Jisis siya Kraiskin. Ningaka. Mi nhirim yim hinina naingwokin, siya Jisis siya naowa saiir mhoiia naingwo tibmiigikin Jisis siiram. Mi mhoiia siya ikamim naingwo tibmiiyim om komii Jerusalem hiranim simiir kigrirao. Mi Jems siya ta saiir winkyin mi krimiir naingwo tibmiiya Jisis siiram naingwo tibmiiya yi siyuin wadie krima sibgu owanin yio siir nisiimaugin. Iriig.

### *Yokwowa Jems siya winkyia saeya*

<sup>1</sup> Kara Jemskin, yipikin Adi Komii krimiir Wanin mi Biyan Inkam Komii Jisis Krai sowiir mi ninga priimiriyan inkamkin. Kara ta yokwowa ikamim Isrel kimiirim yipiki Adi Komii siir wakaeyokna apiyim hinda tinda nwowim kimiiram winkika kimiir nokboin mamaigika. Iriig.

*Diminim yipiki krimiir kwoin imiir kiyaiiyim krimiir whinkinsiis haiginiuwam Adi Komii siiram sibgu wakaeyokna apam sima*

<sup>2</sup> Ti kariir nomiiyauim, iya ti dimin biyeyim nu tiranim kimiir kwoin imiir nipiyaokii mi kima wi maigimaigra nwo karam kipi nwo.

<sup>3</sup> Mi kima wi maigimaigra dwo. Dimusi rani, kima ina ninokninkinim ti dimin taeminim

kimiir whinkinsiis haiginuwanim yim whoimoni rani mi ti dimin taeminim kima naingwo tibmii kinim mi kima wakaeyokna apiyim mi kimiirin sima whinkinsiis haiginuwi mi ti dimin biyeyim sima wi kimiir nikwowaisii rani. Mi ta hiriinan saiirsika mi kimiir kwoinim wi kirie hiriyyar nwokripkai mi Adi Komii siirim wi hiriyyar sibgu wakaeyokna apim.

<sup>4</sup> Mi kima kimiir mhi kwoinim kipi nimiiyu, kimiir kwoinim ti dimin hiriinanim simiiram ti kiwaki kimiir whinkinsiisam mi ta hiriinan saiirsika, kima wi siyuin iikamki sibgu mwriiyim wi siir nwoki owim. Mi wi dimin taemin whiekakim Adi Komii siirim, wi simiir nwoki sibgu wakaeyokna apim. Iriig.

*Inkamin kwoin miyikam whaowaeyin siya Adi Komii siirim srii*

<sup>5</sup> Kimiir nhirim kimaka waraur nwowim sima dimin miyikim mi dimin biye ikim simiir sibgu ninomokninkin karamae nwowi, sima Adi Komii siirim srii mi siya simiirin wi ti simiir whindiraerari. Mi Adi Komii siya wa whinkinsiis haiginuwi sima ti dimin imiir ninokninkinamin. Mi siya hindara bi kintioae hauuwikin siir diminim mi iya sima siirim sriiyim dimin taeminim siya bi nikwao boinikin. Nangaka.

<sup>6</sup> Mi yipiki Adi Komii siirim srii diminam sima hinina daingwo tibmii kin Adi Komii siya simiirin wa whinkinsiis haiginuwi diminin sima sriiyin siirin. Mi sima naingwo tibmii karam nwowi mi yim ini diminim hininki kaiyprimdipuwiyin ini siir hiriinan ywowa whi komii solwara hir

mì sîma nînoknînkîn tani Adi Komii sîmiirîn wî dimînar namisi tîri iyie? Wî tîr tani.

<sup>7</sup> Mî tî iikam hîriinanîm yîm ha kîpi naîngwo Adi Komii siya wî sîmiir whînkînsiis haigîniîuwî mî wî dimîn taemîn sîmiir hauuwi. Nîngaka.

<sup>8</sup> Dimusi rani, sîmiir kwoînim pî naîngwo isi-iskîm mî sîma kwoînim whowîsa nwokîm mî sîma dimîn whîrki whîruwam bî naîngwo tîbmîi kîngîm. Nîngaka. Iriig.

*Iikamîm digworaekwoki naokîngugu nankaiyîm mî iikam paeprîkab îkîm sîmiir yaiga*

<sup>9</sup> Yîpîki krîmiir nomîiyauîm sîmaka nwowîm iikam paeprîkabîm sîma maîrgîmaîrgar dwo. Dimusi rani, sîmiirîn wî Adi Komii siya nanmaiwarkainaei. Mî sîmiir inîgîm wî Adi Komii siya hainanprapras haigîniîuwî.

<sup>10</sup> Yîpîki krîmiir nomîiyauîm digworaekwoki naokîngugunankaiyîm sîma tî digworaekwo îmiirîm kîpi maîrgîmaîrga. Dimusi rani, mhoîiya sîma wî sîmbi naonami, kîpa swokîiya îi prîei nwo karam nwowîya saiir hîriinan. Mî tî sîmiir digworaekwowîm yîm wî tîrar niyopgrîrgîngîgi.

<sup>11</sup> Mî nugakîn kîp saeya bîmbîuwî bî nwowiyakwokîka mî bîe siya pî whwokî mî ta kîp kîbiya pa waiwîski mîpa houginami. Mî inkamîn siir digworaekwo îmiiramar nanmainonkwokrîpkaiiyîn, yîo tî siyîu hîriinan kaimwowîn kîpkî waiwîsiyîn îni siir hîriinan ywowîn mî siya wa naonami. Mî krîma krîmiir digworaekwo îmiirîm kîpi naîngwokwonanaei sîma whînkînsiis haigîniîuwam krîmiirîn, wadiê krîma sîbgu owam. Adi Komii sasaîrgîn krîmiir whînkînsiis haigîniîuwanîn. Iriig.

*Kɪma kɪmasiyar mɪntiraona tɪ dimɪn taeminɪm,  
kɪmɪirɪn wɪ sɪm pɪ kɪnankɪuwisi*

<sup>12</sup> Mɪ yɪpɪkɪ kɪrɪe hɪriiyar nwowi, iya dimɪn bibiyɛkɪ sɪmɪir kɪnankɪuwi mɪ sɪma wɪ maɪrgɪmaɪrga dwo. Dimusi rani, dimɪn biyɛyɪm sɪma bɪdɪ ikwowaisiigiyɪm. Mɪ ta hɪriinana sairsika, Adi Komii siya sɪmɪir kwoɪn imiir tɪrki, sɪma siir kwoɪnan nwowam mɪ sɪma wɪ saɪka nwokɪ sibgu owɪm. Biya Adi Komii siya hɪnɪna boɪnkɪn. Yɪpɪkɪ siirɪm naɪngwokwonanaei mɪ sɪma wɪ saɪka nwoyokiyokɪkaeyami.

<sup>13</sup> Mɪ iya dimɪn whɪrki inkam nwɪrni kwoɪn nɪpiyaokɪi mɪ siya dimɪn biyɛ ha tɪri mɪ siya wɪ ha kɪpi boɪn, Adi Komii siya kiyaiigɪn siir kwoɪnɪn siyɪu biyɛ tɪram. Nɪngaka. Adi Komii siya inkam nwɪrni kwoɪn bɪ swokɪ kiyaiigɪn dimɪn biyɛ tɪramɪn. Yɪo hɪriinanɪn Adi Komii siir kwoɪnɪn saeya bɪ kiyaiigɪn mɪ siya kɪmɪirɪn wɪ dimɪn biyɛ ha tɪr tani. Nɪngaka.

<sup>14</sup> Mɪ dimɪn biyɛ biyɛyɪm yɪpɪkɪ ɪrɪra nwonɪraki naɪngwowiyɪm, sɪma kiyaii sɪmɪir kwoɪn imiirɪn mɪ sɪma dimɪn biyɛ ha tɪri, inkamɪn dimɪnɪn wraisuam kiyauhaigɪngigiyɪn siya nakaiyam ɪni siir hɪriinan ywowɪn.

<sup>15</sup> Mɪ kɪma kɪmɪir kwoɪnki naɪngwowiyɪm sɪmɪirarar napi nɪm wɪpɪ kɪgugu ɪguskɪi. Mɪ kɪma dimɪn biyɛ imiirarar tɪri nɪm wɪ pɪ naowi.

<sup>16</sup> Tɪ kariir nomiiyauɪm kara naɪngwokwonanaeyɪm, kara kɪmɪirɪn nɪksisae rani. Mɪ kɪma tɪri, wɪm wɪ pɪ naowi. Kɪma daɪngwo omok!

<sup>17</sup> Dimɪn taemin mɪiyɪk mɪiyɪkɪm kɪma haiwɪniyɪm yɪm Adi Komii sasɪr hauugikɪm.

Adi Komii siyar nonkwokwokikim bie bwan mi nauun ikim. Mi yim tiriiginim ini hindara napiyokwii irkakim mi aknain minim, simar kisisaena oyokiyokwiii paidado priei haruwa priei haruwa nwowamin mi mipi nii aeya niti mi krimiirin pi haini haiburgigi. Mi yio Adi Komiiyin ti hiriinan tani. Nningaka. Bi kisisaenaekin siya krimiir haiburgigamin. Nningaka. Siya dimin miyikim simiirarar tirikin siya dimin biyie wara bi tirikin.

<sup>18</sup> Mi ta hiriinan sairsika siya wi siir kwoinkar asi naingwo tiri krimiirin mi krima wi siir yinisimar nwowi. Dimusi rani, siir yai kibi kibiyim yipiki siya nanaaknkii haiginuwim simiirsi, tabnidnan, simiir nhirim biyin pi sima higeri mi nhirim yimbiya mi higeri mi Adi Komii siir kwoinin yio ini iriipi hiriinanar mi owin krimiir iikam nhirim Adi Komii siir wakaeyokna apiyim yim ini hiriinanar ywowim iikamim omom omomanim simiir nhirim mi mhoyiya nhirim yimbi haninggin mi wakaeyokna api siir yai imiirin. Iriig.

*Mi yayim kima wakaeyim kima simiirin wakaeyokna ap*

<sup>19</sup> Ti nomiyauim naingwo tibmii kiniyim kima ti dimin taemin imiirin dinomoknkinkin. Mi iikam kima irira nwonwira kimiir winim amira dwo ti dimin taeminim simiir wakaeyam mi ta hiriinan sairsika mhoyiya kima boini mi kima wi io nwoisauu rani, iikam nhirim simakan mi simiirin wa mi okwao boin tani. Nningaka.

<sup>20</sup> Mi ti hiriinan dimin taeminim yim wi iikam sima whinkinsiis haiginu rani, sima wakaeyokna apam dimin taeminim Adi Komii

siya naingwowa kama wakaeyokna apam mi nhirmi nisisimauwam.

<sup>21</sup> Mi ta hiriinan saiirsika kama dimin biye biyeyim kimiir kwoinaw nwokeiyim yipiki kimiir tiriyim dimin biye imiir wakaeyokna apam simiirin digumii ti haimriyugig. Mi kama yaiya yipiki biya Adi Komii siya kinirkaimauwa saiirara wakaeyokna apamar daingwo. Mi tariigina kimiir kwoinbud imiirin wi saeya whinkinsiis haiginuwi inokinokin Adi Komii saika nwoyokiyokiikayamim.

<sup>22</sup> Mi kama, kama kimar kipi swoki ikisaena hininin Adi Komii siir yai aiararar mi wakaei ya ini digar mi owa. Ningaka. Kama hindara wakaeyokna apiski. Mi ta hiriinan saiirsika kimiirin wi saeya nwokei whinkinsiis haiginuwim.

<sup>23</sup> Iikamim yipiki Adi Komii siir yai imiirara wakaeyim mi simiir wakaeyokna ap karamae nwowim yim ini inkamin yipiki siir aknain aiar kigiyin opnaini hinin siya kipiyapii nwo rani, ini siir hiriinan ywowim.

<sup>24</sup> Mi mhoiya siya pi ha namkii mapi kimiminki rani, pa swoki kwanaingwo owouugii siya panin panina kigin siya siyarin. Mi ti hiriinan siyu kaimwowa iikamim yipiki Adi Komii siir yai imiir wakaeyim mi simiir wakaeyokna ap karamae nwowiyim yim ini ti inkamin yipiki siir whwonkamin tainakiyinan nwowiyin ini siir hiriinan ywowa. Mi sima wi simiiram kiwaki rani, ti dimin biyeyim simiir haiburgigim mi siyu miyikim simiir napim.

<sup>25</sup> Mi yipiki Adi Komii siir yai kibiyim biya kamim sim winkyim Yokwo Komii saiir simiir

simiira mwainanaeyim yim ini ti inkamin siir aknaina saiir saiira kaonanaeyin ini siir hiriinan ywowin mi ti yayim simiirin wi sima whinkinsiis haiginiuwi ti dimin biye biyeyim simiir haiburgim. Mi mhoiya sima simiir naingwowi mi simiir naingwo owouu karam nwowi mi simiirin hiriinan tiri mi Adi Komii siya wi simiir nokboinmamair haiginiuwi.

<sup>26</sup> Mi nwirki ha boini siya Adi Komii siir siyu iir napi mi yai bibiyie whiekakim ha boini mi yo ti inkamin yo niksisaeyaki waiwiigin. Yo siyuin Adi Komii krimiir Wanin siiram wakaeyokna apiyin siir kiyipsibgi haiginiugin mi siya bi sibgu aingwo omokin.

<sup>27</sup> Krimiir Adi Komiiyin siya krimiiram in minam naingwowi krima wadie sibgu owim. Siya krimiirin ti hinina boinkikin, wig igabeyim mi yinisisimim yipiki ad yopii karamaeyim simiir whinkinsiis haiginiu mi hikar timi hai mi yayim simiirin siyu biyieni kipi nwo. Iriig.

## 2

*Krma iikam whiekakim simiiram in hiriinankinar daingwokwo irkak*

<sup>1</sup> Ti kariir nomiyauim, kima krimiir Biyan Inkam Komiiyin kirie komiigakin Jisis Kraiis sirar wakaeyokna apiyokiyoki. Kima iki siyupai siyupai nhirim sim nisiimauuwi iikam imiirin, yo siyu miyik rani. Tiki hiriinan siyuin Jisis siya boinin yo siir siyu ieya rani. Niingaka.

<sup>2</sup> Mi inkam nwiso sowa nitswowi maeyaua Adi Komii siir inig hainaniya saiiram mi nwirin yuis miyik iinani mi nwirin paeprikabgin yo

yüis biyé iinani maeyaua kîra nidwokaiya saiir hîriirin

<sup>3</sup> Mî kîra tî inkamîn yîpîkîn yüis müyîk ni-inaniyîn siir boîn wîni kîra ta biigîbiyan ipiîya saiir didwokai mî kîra inkam pæprikabîn yüis biyé niinaniyîn siir boînkîi, ni kîra pî nu nînga didwo.

<sup>4</sup> Mî yîo tî hîriinan siyüün kîra tîrkiyîn yîo siyü biyiekîbiyé iîrar tîrkîn. Mî kîra iikam imiîrîn idain pîu aiirarar kîpî hîd hînin yîo tî biyiekîn mî yîo tî müyîkîn.

<sup>5</sup> Tî kariir nomiiyauim kara naingwokwonanaeyim, kîma tî dimînim simiir wakaeki. Adi Komîi siya bîdi yîmbinîn iikamim yîpîkim dimîn karamaeyim siir wakaeyokna apim, sîma nonkwowim siir digworaekwowim. Bîiya siya ha boînkîn tî iikamim wî siya nanmaiwarkainaei yîpîki siiram naingwokwonanaeyim simiîrîn wî siya nanmaiwarkainaei mî sîma wî saîka nwokî sîbgu oyokiyokwîigiyamim.

<sup>6</sup> Mî kîma tî iikam pæprikabim yîpîki digworaekwo karamaeyim hik simiir hauwi. Dimusi rani, kîma simiîrîn siyü müyîk bî tîrkîn. Mî kîma iikamim digworaekwokakim simiir inig imiir dimusi hainankim. Yim sîma kîmiîrîn siyü müyîk bî tîrkîn. Nîngaka. Yimbi siyü biyé whîr kîmiiram swokî tîri, kîmiir kiyopsîbgiyim mî kîmiîrîn pa kiyîtnîmnîr hainami, maeyaua yai hîdiya saiîrim.

<sup>7</sup> Wîm kîma Krais siir inig kîbi iîrar nîki baptaiskim mî tariinanîn ini tî iikam kaimwowim sîmar swokî kwîkbumbu boînîn yai biyé Krais



siir inig kibi iirin. Mi yo ti hiriinan siyuun yo miyik rani, ti iikamim digworaekwoki naokingugunankaiyim simiir inig imiir hainanim. Mi kima ti hiriinan dimuam tirkim, ha?

<sup>8</sup> Mi kima yayim biya Adi Komii siya win boinkiyim simiir wakaeyokna api mi kima iikam nhirim simiiram naingwokwonanaei kimamar naingwokwonaeya saiir hiriinan mi ti hiriinan siyuun kima tirin yo siyu miyikimiyik ieyairgin.

<sup>9</sup> Mi kima iikam imiir ninikibiri yapayapa nwowamin mi kima nhir imiirim naingwowi mi nhirim kima simiiram naingwo rani yo ti hiriinan siyuun yo miyik rani. Adi Komii siir yai kibiya saeya hinina nisiimauuga yo kima Adi Komii siir yai imiir haipridkikaii.

<sup>10</sup> Ti iikamim yipiki Adi Komii siir siyu komiiyin siir yai kwirni ninikripi yim ini iikamim yipiki siyu hoimgak imiirar ninikripim ini simiir hiriinan ywowim. Mi Adi Komii siya simiirin wi hiriinan saiirsi hidi.

<sup>11</sup> Bidi bidiniyarin Adi Komii siya hinina boinkin, hi kipi nanae mi iikam nhirmi kipi mi isomsom aokao mi inkamin yipikin hi nanae karamae nwowin mi siya inkam nwirni nisomaowi mi yo tari Adi Komii siir yai aair bi wakaeyoknakin mi yo ini iikamim Adi Komii siir yaimwokiyaimwowa saiir wakaeyokna ap karamae nwowim ini simiir hiriinan ywowim.

<sup>12</sup> Mi hiriinanki niuwi kima dimin miyikmiyik imiirara boin mi dimin miyikmiyik imiirara timi tir. Dimusi rani, mhoiya Adi Komii siya kimiir naingwowarkanaei mi ta hiriinan saiirsika siya krimiirin wi saiirsi hidi, yipiki rirmiya krimiir

nwowaiginiuwim ti yayim biya siya hauuwim iikam krimiir dimin biye imiir haiburgigim.

13 Iikamim yipiki naingwobumbu nhirmi nisisimauu karamae nwowim mi Adi Komii siya iriipi hiriinan wi naingwobumbu kimiir mi isisimauu rani. Ningaka. Mi hiriinan saiirsika iikam nhirim simiirsi daingwoyimiyok. Mi kira hiriinan tiri, Adi Komii siya kiriirin wi mi onkwoninwomwirninkin tani. Dimusi rani, kiriir mi biye miirsika. Iriig.

*Adi Komii siirim daingwo tibmii mi miyik miriyim*

14 Ti kariir nomiiyauim mi inkam nwirin siya hinina boini kara Adi Komii siir yai imiiram naingwo tibmii. Ti diminim siya tirim, yim hinina nisisimauuwi yim kaimwo rani. Mi takina siirin wi panina whinkinsis haiginiuwi. Mi ti diminim siya naingwo tibmiiyim siirin wi whindiriraerar haiginiu rani mi Adi Komii siya wi siir nanmai-warkaina rani.

15 Mi kiriir isidin siir wig biye kam biye nwirki naemin karamaeki niuwi mi kiriiram niti mi kira simiirin wi panina tiri?

16 Mi kira naemin diminim simiirin wa hauuwi, iye? Wi hauu rani. Mi kira simiirin wi hiriyyar boinki kima dam mi wadieya tini owou. Mi kimiir piim pi wadieyar nwowi mi kimiir mhiyim pa kinugi. Mi kira simiir naemin dimin bi swoki hauugikin. Mi sima wi wadieyar nwowi? Ningakinngaka. Sima wi wadie nwo rani, sima wi hikar haii.

17 Siyiuin krimiir mhi kwoinki naingwo tibmiiyim Adi Komii siiram yio ini siir hiriinan

ywowin. Mi krɪma krɪmiir kwoin imiiramar naingwowi mi mi miiyik sibgu mirii karamae nwowi mi krɪma wi naingwo tibmii kin tani. Niingaka.

<sup>18</sup> Mi inkamin ti hinina boini, inkamin Adi Komii siir yai imiiram arar naingwo tibmii kin iski mi mi kibi imiirarar kipi mirii. Mi inkamin mi miiyik mirii mi siir naingwo tibmiiya kirie nwo karamae nwowi mi Adi Komii siya ha boini sowa nwisairarin inkam wadiekinairgo mi ya tariigina ya kaimwo rani. Mi an kara ha boini, inkam nwirin siya mi miiyik bi miriigin mi siya kariirin wi panina niisiimauwi siya Adi Komii siirim naingwo tibmiikin, siya wi dig nwo rani. Kara siirin wi hinina niisiimauwi, kara Adi Komii siirim naingwo tibmiigin ta mi miiyika kara miriia sairin.

<sup>19</sup> Kira yipikin hinina naingwo tibmiiyim Adi Komiiyin nwiruwaargin inokiiinokin omwai waiyayokiyokiiyin. Kira wadiyar sibgu aingwo tibmiigin mi yo wi dig nwo rani. Yiu biyeyim yim ina mi inokninkinim Adi Komii omwai waiyayokiyokiiyin nwiruwaargin. Mi sima nididgak bidi ywowim mi Adi Komii siir bidi mi wakaeyokna apim? Niingaka.

<sup>20</sup> Kima iikam habwhaowaenankim. Kimiirin pi kara niisiimauwi, kima hinina boini kima Adi Komii siir yai imiir wakaeyokna apikim mi mi miiyik miriikim mi ti diminim kima wakaeyokna apim kimiirin wi sima whindiriraerar haiginu rani, Adi Komii saika nwowim ta hiriinana sair daingwoki.

<sup>21</sup> Biya Isrel Krɪmiir brougaeyin Ebrahim

siya omwaiya niki waiyain, siya siir yinisim yinkamiyinin Aisak siirin ha nikunamin mi pariiparii siir nisom aowam Adi Komii siir ninkin imiiaekiyim. Siya mai miyik imiir miiigin hinina nisiimauuwim siya Adi Komii siir yai imiir wakaeyokna apim mi Adi Komii siya wi hinina boini, siya inkam miyikin ha sibgu aingwo tibmiikin siiram.

<sup>22</sup> Kima ina ninokninkinim? Ti diminim yipiki siya naingwo tibmiyim sama whindiriraerar haiginugin mai miyik siya miiyim. Ti diminim yipiki siya tirim samar nisiimauugin siya Adi Komii siirim sibgu aingwo tibmii kinim.

<sup>23</sup> Yaiyim yipiki biya Adi Komii siya boinkiyim bidi yimbiamim, ti yaiyim sama hinina boinkim ti inkamin Ebrahim siya Adi Komii siir yai imiir wakaeyin mi siya ina yaingwo tibmii kinin ti yai imiiram. Mi ta hiriinan saiirsika Adi Komii siya siirin dimin whirkin kimbu karam asi boinkin mi siya Adi Komii siirim sibgu aingwo tibmiigin. Mi ta hiriinan saiirsika, Adi Komii siya asi boinkin Ebrahim siya siir nomiiyaugin.

<sup>24</sup> Adi Komii siya siirin dimin taeminim siir mhi kwoinawu hir nwokaiyim simiirarar bi kigin mi siirin ha bi dapkin siya inkam miyikin. Ningaka. Siya sowiirin whasairar kigin, siir naingwo tibmii aeya siir kwoin aeya mi miya siya mii aeya. Dimusi rani, ta hiriinan saiirsi dapkin Adi Komii siya siirin, dimin whirki kimbu karamae.

<sup>25</sup> Biya igwira, hii nanaei wiga Rehap Saeya haigiprakaika inkam nwisso Josua siya nikropkiyo kanau kaonakiyam mi sowiirin saeyar sibgu kigrirao mi saeya sowiirin yaeya siyu whira

yikropki. Mi saeya dimin miyik imiirar tirka mi ta hiriinan saiirsika Adi Komii siya saiirin wig miyik asi dapka mi saeya siirar sibgu wakaeyokna apka.

<sup>26</sup> Mi iriipi hiriinan, inkamin yipiki Adi Komii siirin naingwo tibmiyyin mi mi miyik bi mriigin, ti diminim siya naingwo tibmiyyim ini ningaka ywowim, ini inkamin naonamin siir hiriinan ywowin mi siir naeyuin siir piuis biyie aair bidi haiburgigin. Mi ta siir piuis ninga ini sasa hirar wokinaimimikiya. Iriig.

### 3

*Dimin taeminim iikam krima tiriyim krima sibgu mintirao.*

<sup>1</sup> Ti kariir nomiyauim, kima wi whiekakar nwo rani, Adi Komii siir yai aair nowom-warkaiyuwamim. Dimusi rani, kima ina ninokninkinim mhoiya Adi Komii siya krimiirin wa hidi iikamim yipiki siir yai imiir nanaakninki haiginuwim, siya krimiirin wi yapayapa hidi. Mi ti iikam ningam siya simiir hidi mi wi kimiiwao kantani.

<sup>2</sup> Mi krima whiekakarın dimin bibiyie bidiyar tirim, dimin taemin krima tiram naingwo karam nwowim simiirin. Inkam nwirki yipiki yai bibiyie boin karamae nwowi siyargin inkam miyikin dimin whirki kimbu karamae nwowin mi siya ina ninokninkinın siya siir kwoin ieya sibgu owam.

<sup>3</sup> Mi iikam krima uridin pi hos siir yai iir nomboruwi mi siirin pa kiyirriu diriraerari dimin taeminim krima diriraerarim tirim simiirin. Mi krima uridin mirmii kwira kiyikpitkii mi hosin pi warar mi inkin apiriyugi.

<sup>4</sup> Mi kr̄ima siyaāi komii komiiȳim wh̄ii komii solwara hir nakiiȳim simiir daingwoki. Ti siyaāiȳim sima prasae prasae rani mi simiir̄in pi opudga mi hughainami mi inkam̄in ta siyaāi aiir n̄indaokiȳim pi ti idis̄im iirar nonkwo wr̄ieki mi ta siyaāiya pi ti inkam̄in siya namam naingwowa maeyaua pi hir̄iiyar nami, paeȳin yab nakiiniȳin inkamaka nakiik̄indimdiȳumainiiȳin siir hir̄iinan ywow̄in, ti inkam̄in h̄inda nakiiyam yaingwo mi ti paeȳin pi hir̄iiyar mi akiiyami.

<sup>5</sup> Mi kw̄iriyaēya ya ir̄iipi hir̄iinan, ini urids̄im̄in hosni nomborūin mi idis̄im̄in siyaāi aiir n̄indaowi ik̄in, ini sowiir hir̄iinan ywowa. Mi kw̄iriyaēya ya dim̄in komii rani, ya ini yainau nwokaiya dim̄in kir̄ie kir̄eȳim pi saeya mi k̄inkikinaei mi pīu ir̄kaka saiir̄in pi saeya mi k̄igr̄iraowi. Mi ta hir̄iinana saiir daingwoki. Parid sim̄in pi siyar n̄uginkikinaei mi niimau mie komiiki w̄indi pi siyar n̄uginis iuguskii.

<sup>6</sup> Mi kw̄iriyaēya ya mīiyik rani, ya ini paenan ywowa. Mi ya ini kr̄imiir mwo bopwo nwokaiya ini saeyar ywo iskiya mi dim̄in taem̄in bibiȳeȳim nu tiran̄im pi simiirar wakaeyokna dir̄iraerari. Mi saeya ini paeya digworaekwo wh̄iekakim sim n̄ugis̄iniya saiir hir̄iinan ywowa; mi kw̄iriyae saeya pi Setan siir siȳu bibiȳeȳim simiirar mi wakaeyokna dir̄iraerari mi digworaekwo wh̄iekak ik̄im mi iikam ima kr̄imiir̄in w̄i saeya nonkwobumbu n̄inkin haiḡinīuwi.

<sup>7</sup> Mi niimauan wraisūim mi ipiȳin ik̄im mi wraisupai wraisupaiȳim opnau nwomai ik̄im ȳimbi inkam̄in simiir nonkwo imīiyaeiȳin pi siir yai aiirar mi wakaeyoknaei mi ti dim̄in taem̄in

whiekakim simiir kouin ini inkam ieya ywo iskiyin.

<sup>8</sup> Mi diminin whirki whiruakin inkamki kigrirao karamae nwowiyin, ya yai biyie sasairga. Siya saiir kintimdinuwim wi dig nwo rani. Nningakinngaka. Mi saeya ya saiir kwoinairga naingwo priiboininisami. Mi ya ini mipug biyieyin iikam piyin ini siir hiriinan ywowin.

<sup>9</sup> Mi iikam krīma Adi Komii siir inig iirin pi ta kwiriyae aeyar mi hainani mi yai bibiyie iikam nhirmi pi saeya swoki boini, yipiki krimiirin biya Adi Komii siyar nonkwokwokiym siir kwoinkar.

<sup>10</sup> Kwiriyae ya kwiruwairga, iikam krīma boiniya yai miyik miyikim mi yai bibiyie. Mi ti kariir nomiyauim, ti dimin taemin bibiyieyim krīma tiriyim mi yim wi kipi swoki tirmimin.

<sup>11</sup> Mi op biyieya kausriya mi op miyik aka sowa ie whiruwanki niti mi sowa wi panin panina nwowi, ha? Mi sowa wi ie whiruwanki sowki it rani. Nningaka.

<sup>12</sup> Mi am saeya tabnid bi budika mi tab siya iriipi hiriinan am bi mi budikin. Mi iriipi hiriinan op miyika ieyin op biyieya kwoin kausriya saeya nwomaiiyin siir hiranki bi swoki imbinika. Mi nim krīma iikamim iriipi hiriinan, yai bibiyie mi yai miyik miyik ikim yim wi yai kwiruwa wi saiir hiriranki nitswo rani. Iriig.

### *Ninokninkin miyika Adi Komii siya hauugika*

<sup>13</sup> Mi iikam kimiir inkam nwirin siya biyin wi siyu biyie mi siyu miyik sowerar ti inokninkin, ha? Mi ta hiriinan sairsika mi ti hiriinan inkamin siya nisiimauwi krimiirin ti dimin

taeminim simiir siyiumwokisiyiumwowin siya tiram naingwokwowim mi siya wi higak nwo rani mi yi siya hiriinanki niuwi, siya siyiuin iikam nhirmiyam naingwokwonanaeyin mi ha naingwo tibmii apiyin Adi Komii siiram siir dapiski.

14 Mi kira kwoin bibiyie naingwowi mi io whwonkam iikam nhirmi nanaowi mi kira ha naingwowi iikam nhirim simiir whwonkam ida inkam miyyikin ini karar ywowin mi mhoiyya kira ha kipi naingwo kirairgin inkam miyyikin mi dimin taemin whiekakim karar sibgu inomokninkin iski. Mi kira hiriinan kwoin iir naingwowi mi kira pi niksisee mi Adi Komii siir yai kibi kibi imaka nantamyiriyiri.

15 Mi ti dimin taemin hiriinanim yim Adi Komii siir hiran tani, yim inkamim nu tiranim simiirairgin, bigibiyyin simiirin yio Setan siya kinkikinakin mi iikamim nu tiranim sima ini simiirar kigna diriraeranim.

16 Mi kima kwoin bibiyie naingwowi mi io whwonkam nanaowi iikam nhirmi mi kima minam warar naingwowi, iikamim simiir bopwoniya kou kimar ywowim mi kima, kima kimar ninii nansaonaei mi kima wi dimin bibiyie whiekakim simiirar tiri.

17 Mi iikamim sima kwoin miyyikin Adi Komii krimiir Wanin siya hauugiyin siirar wakaeyokna api mi sima biyyin wi dimin miyyik miyyik imiirar tiri, ie miyyikin sinwhrie karamaeyin siir hiriinan. Mi sima bigibiyyin wi tiki dimin hininim simaka tiri: Mi sima wi iripa nongwomamaer aei mi sima wi irni nwiirni yayiar wakaeyoknaei mi



simiir kwoinim wa kisina haigi mi sima iikam nhirnisi wa naingwobumbuwi mi wi simiirar mi whinkinsiis haiginiuwi mi wi dimin taemin miyyik miyyik imiirara tiri. Mi sima iikamim hinda tindanim simiirin wi hiriinan siyau miyyikinar tirswowi mi sima wi iikamim yaibwowai nwowoyim simiir hiriinan nwo rani.

<sup>18</sup> Mi iikamim yipiki irni nwrni whinkinsiis haiginiuwi mi sima iripa nongwomamaer aei mi yim ini iikamim yipiki paenid ninkiniyim simiir hiriinan ywowim. Tikinim yipiki ti hiriinan siyau iir tirim yim iikamim simiir kwoin imiir kiyai siyau miyyik miyyik imiir napam mi yim sima ini paenidim nikii whakiyim ini simiir hiriinan ywowim. Iriig.

## 4

*Iikamim yipiki ti nuan dimin biyie biyeyim simiir wakaeyokna apim yim Adi Komii siir sau omomkim*

<sup>1</sup> Piki hinin dimin bibiyie ikim iikam kimiir hopswoswowyim yaii kima kima niniyam? Kimiir kwoin imar naingwokiyyim mipa tiri diminin kwoin ieya naingwowin mi kima kima yayiminim pa nini.

<sup>2</sup> Ti diminim kira haiyim naingwowin mi kira simiirin pi hai karamae ywo mi kiriir kwoinin inkam nisom aowam pa naingwowi simiir haiyim. Mi kiriir kwoinin diminin kira hai karamae nwowin pi siirimar naingwokwonanaei mi kira yai pa ninkinwaomwarkii boininaei mi yaii pa nini. Kira wi ti dimin imiir hai rani. Dimusi rani, kira Adi Komii siir bi srigin ti dimin imiirimin.

<sup>3</sup> Mi mhoiyya iya kira Adi Komii siirim srii diminim mi kira simiir bi haigin. Dimusi rani, kiriir kwoinin miyik rani mi ta hiriinan saiirsika, kiriir kwoinin dimin haiyaramar naingwowi mi kira kiriir kwoin biye wakaeyokna apim mi dimin biye imiirar nwoki tirim.

<sup>4</sup> Kima yipiki iikam biyeyim digiumii Adi Komii siir haimriiyugigim. Takana ya ini wiga saiir kam iir haiburgika mi kam nwiram nama ini saiir hiriinan ywowa. Kima ini dimin biyeyim nuanim simiiram yaingwokwonanaeyim. Mi ti hiriinana kima ini Adi Komii siir sau omomnan ywowim. Kima ina ninokninkinim? Yipiki iikamkim nuan dimin taeminim simiirim naingwowim, yim ini Adi Komii siir sau omomnan ywowim.

<sup>5</sup> Kima hiniina naingwowi ta Adi Komii siir yaiya biya kam nhirim sima winkiya yokwoni saeya whsariyya priboini, ha? Sima hiniina boinkim, ti Adi Komii siir naeyuin ti krimiir tir nwokaiyin siya krimiiramim minam naingwowi, krima siir siyu iirarar napim.

<sup>6</sup> Mi krimiirin wi Adi Komii siya whinkinsiis haiginuwi ti dimin taemin biyeyim simiirsi simiir nikwowaisiyyim. Mi ti yayim Yokwo saiir tir nwokaiyim sima hiniina boinkim, Adi Komii siya wi digiumii iikamim inig komiikakim iikam nhirmi haiburim wi simiir haimriiyuwi. Mi siya iikamim yipiki ha naingwowyim sima inig karamaekim mi simam naingwona karam nwowyim mi ha boiniyim Adi Komii sasargin inig komiigakin siya simiir whindiriraerarin.

<sup>7</sup> Mi kima iikamim kimama kipi naingwona mi yio haningni nuwi kima Adi Komii krimiir Wanin

siirara wakaeyokna ap iski. Mi iya Setan siya kimiir kwoin imiir kiyai mi kima wa sibgu okworinuwi mi kima digiumii wi siyu biye imiir haimriiyuwi mi ta hiriinan sairsika, Setan siya kimiirin wa haiburgigi mi wa nami.

<sup>8</sup> Kima Adi Komii siir wakaeyokna apamar daingwo iski mi siya wi kimiir kingiina nwowi mi kimiirin wi siya kigriraowi. Kima yipiki iikam biyeyim yai ara nhinkiniyim kimiir siyu biyeyim digiumii simiir haimriiyugig biya kima tirim! Kwoin biye kima naingwowim simiir haiburgigi! Kima dimin biyeyim kima tirim simiirsi daingwoyimiyok mi kimiir kwoinim rirmiiya dwo, iikamim simiir inaim hisokiyim mi wadie ha nwokiyim simiir hiriinan.

<sup>9</sup> Kima iikamim wi maigimaiga nwo rani, iya kima dimin biye biyeyim kima tirim simiiram naingwowi mi kima kimiir maigimaiga wi sair haiburgigi mi kima wa noui. Kima wa haingigigi kimiir kwoinim digiumii, iya kima wadie nwowa mi biye nwo aka.

<sup>10</sup> Kima iikamim ti idid mi dimin biyeyim kima tirim simiirsi daingwoyimiyok Adi Komii siir whwonkam ida mi Adi Komii siya kimiirin wi wadie nwowi mi kimiir inigin wi siyar hainani. Iriig.

### *Kima kimiir nomiiyau imiir kipi hid*

<sup>11</sup> Ti kariir nomiiyauim, kima irni nwirni kipi hid mi niksise yai kipi boin. Nungaka. Yipiki iikamkim siir nomiiyau imiir hidi mi siir nokwao boini, yio Adi Komii siir siyu komii siir yai imiir haimriiyugim. Ti diminim yipiki siya tirim yim ini siya boinan ywowim, siir yaiyim ini kougikou

mi ini wadie ywowim. Mi ini Adi Komii siir igsoop aiir yokwokairina. Mi kima hiriinan tiri kima Adi Komii siir siyiu komii siir yai imiir bi wakaeyokna apikim. Mi kima pi hiniina boini, kimiir yayim ini Adi Komii siir yai imiir haiburim.

<sup>12</sup> Adi Komii sasar winkin ti siir siyiu komiini yayim Yokwo Komii saiirin. Adi Komii sasar hid iikamim mi wi siyar whindiriraerar haiginuwi krimiirin o wi siyar tiowi krimiirin mi siyar mi tirki krima naowamin. Kira ha naingwokwowi kira adi komiigin mi ta hiriinan saiirsi hidi kiriir nomiyau imiirin, aniya? Kira ini paeprikab inkam ywowin. Iriig.

*Kima diminim Adi Komii siya naingwowim kima tiram simiirim daingwo*

<sup>13</sup> Ta yayia kara boinkiya saiir wakaeki, kima iikamim yipiki hiniina boinim, panao mi waka, kira pi hinda nami mi biewi pi whira nini owouwi, kiriir digworaekwo whiekakim inkam nhirkim sainim mi kira pi umir simiirsi haiiyim, yio miyik rani, kira hiriinan yai boini.

<sup>14</sup> Kira ninokninkin tani dimu diminkin mhoiya nimbiyami, kira wi omwaiya waiyai iyie wi omwai waiya rani? Kira ninokninkin tani. Krima iikamim ini paowiinan ywowim saeya ha hiigiya mpa swoki whaowaeki saeya ii priei bi hiiga mi nim krima ini hiriinan ywowim.

<sup>15</sup> Kima hiniina kipi boin mi yio hiniingin kima hiniina ti boin Adi Komii siya hiniina naingwowi krima omwai waiyam, krima ti diminin siir ti tir iyie i diminin si ti tir.

16 Kima ti iikamim tariinanin hiriinan boin tani mi kima kamim inig komiigakim simiir hiriinan diriraerari mi kima wa boini, krima miyim krimiir kirieni mirii wi digar nwowi. Ti siyiuin kimamar naingwonaeyim hiniin, kima iikam inigakim yio ti hiriinanin siyiu miyik rani.

17 Mi ti hiriinan saiirsika iikamim yipiki hiniina ninokninkinim piki hiniin diminkin miyikin mi sima siir tir kamae nwowi mi sima dimin biyie tirkim. Iriig.

## 5

### *Iikamim umirki naokingugunankaiyim simiir yaiga*

1 Mi kima iikamim umirki naokingugunankaiyim iya maigimaigra kima nwowana priei nwo rani. Mi saiir mhoiyarin hik komii komiyyim wi kimiir naninkiniuni mi kima wi ninouninki prasae kin tani.

2 Mi kimiir digworaekwo miyik miyikim wi biyie namwoiuwi. Mi kimiir yiuis miyik miyikim yim wi kikom minki topkrimkripi mi wi miyik namwo iuu rani.

3 Mi kimiir gol, silva, umir, minim yim wi aiigak nwokiyami. Mi iikam nhirim sima kimiir umir aiigakim simiir kigi mi sima wi ha boini, sima umir hirii hirii dimusi haingiriyiu haigimimirkim, ha? Mi sima siyiu biyie tirkim. Mi iya sima hiriinan boini mi kira wi kiriir umir imiirsi nididi. Mi iya digiyana Jisis siya niti ni wi paesi kira nididiya wi saiir hiriinan nididi. Mi ti hiriinan digworaekwowim yim miyik rani.

4 Mi biiya kira iikamim kiriir numir aiir miiiyim, kira simiir umirim haimiyyarar hauugin. Mi kira ti simiir umirim hiriyyar biri hauu swokikin mi haimiyyin ini kirar tauae hai naowidim mi Adi Komii siya bidiyar kigiyin umir haimiyyin kira tauae hainaowid iirin. Mi Adi Komii siya bidi wakaekiyin kiriir miyyan kamim sima boinim, kira simiir umirim biri hauu digim. Mi Adi Komii siya kirie komiigi komiigakin. Mi kira siirsi nidad rani, aniya?

5 Mi tariinanin kira ini wadiyyar nwowin mi nae miyik miyikim ini simiirar naeyin mi dimin taeminim kiriir kwoinki naingwowyim mi kira pi simiirar diriraerari. Mi ti dimin taeminim kira tirim, yim ini naeyim hu kira nimiyaenanaeyim mi iya simiir nisomsom aokaowi mi ha nadigiuwi mi ini saiir hiriinan ywowim. Mi iriipi hiriinan iya saeya niti, saeya wa niti. Mi iya dimin wharki kiriir nationi mi kira wa naowi. Dimusi rani, siyu bibiyeyim kira tirim simiirsika.

6 Mi kira iikam miyik miyikim simiir boinwokiyopnatkaigikim mi simiirin ina yisomsom aokaokiyim. Sima kiriir nikwowaisiyyim dig bi nwokin mi kira simiirin ini hindara yisomaoki iskiyin. Iriig.

*Sibgu dokworinu iya kira Biyyan Inkam Komiiyin Jisis siiram nwokwokiniiyim*

7 Ti kariir nomiiyauim, kima sibgu okworinu dimin biyekki kimiir nimbini mi ha kinankiuwi, iya kima Biyyan Inkam Komiiyin siiram nwokwokiniiyim siya nitam. Mi kima ti diminim simiir daingwoki. Mi inkam nwirin numir ninkiniyin mi

siya pi siir sasae imiiramar kigriraowi, sima wai nwokiyam. Mi siya pa niki okaigi siir sasaeyim bie naoki nitkiigiyim mi siya pa kigi siir sasaeyim ini mwrriigiyim.

<sup>8</sup> Mi kima iikamim ti iriipa hiriinan siyiuin siirar timi okaigi Biyan Inkam Komiiyin siiramim. Mi ta kira nwokaigiya kiriir kwoinin kirie dwo. Mi iya krimiir Biyan Inkam komiiyin siya nitana priei nwo rani.

<sup>9</sup> Mi ti kariir nomiiyauim, kima, kima kimarim kipi ninii nansao. Mi kima hiriinan tiri mi Adi Komii siya wi boriisopi. Mi siir iya siya nitana ini kingiinar nwowa siya wa swoki iti. Siya yipiki inkam nwirin anao nokwo kaigakaniiyin ini siir hiriinan ywowin.

<sup>10</sup> Mi ti kariir nomiiyauim kima Adi Komii siir yaiya yipiki biya profet kamim sima boinmimauuim saiir ti swoki aingwoki. Kam bibiyeyim sima dimin bibiyie simiir tirhaiginuwi mi sima pi simiir swoki ikwowaisii rani. Ningaka. Sima pi kirie hiriyyar nwokripkai mi sima simiiramim pa kiwawini simiir tumbuwamin. Mi krima ti hiriinan siyiuin sima tirin siirar swoki kigna ap.

<sup>11</sup> Mi krima simiirin hinina asi boini, sima inkam miyikim. Dimusi rani, sima kirieya nwokim mi hiriyyar nokworinukripkaigin. Mi kima inkamim Job nikiuwiiyin siir bid yinokninkinim siya kirie hiriyyar mi oyokiyokigin. Adi Komii siir siyu iir wakaeyokna apam, iya dimin bibiyeyim siir kinankuim mi siirin Adi Komii siyar whinkinsiis haiginugin. Dimusi rani, Adi Komii siya iikam krimiirsi

naingwokwonanaeikin. Mi siya křimiirsiyın nhami nhami bi naingwoyımıyokın mi siya siir naingwobumbuwa křimiir asi nıisiimauugin.

<sup>12</sup> Ti kariir nomııyauım, tıo siyaırgın dimın komııyın mi kara siirın kımıırın pi hınına boınmauugi, iıya kıma dimın taemın tıriyım iikamım sımakan mi kıma ha kipi boın. Kariir adın siir inıgın kıra ha boını, ihı, kara ti dimın iıırın wa tıri. Yıo dıgargın. Mi kıra ha mi boını, Nııngaka. Kara pi boriısopi mi yıo ıriipi hıriinan inı dıgar mi owın. Mi dimın nhırım kıma whısarii kipi mi boın mi kıma wı Adi Komıı siir kwoın iıir hopswoşwowi siya io kıma nwowamın. Iriig.

<sup>13</sup> Yıpiki kımıir inkam nwırın waraur nwowın siya hik hıka hainanaei mi siya Adi Komıı siirım sııı dimın imıırsi. Mi yıpiki kımıir nwırın siya maırgımaırga nwowi mi siya mwai ha wao mi Adi Komıı siir inıg iıırar hainan ti dimın imıırsiyın.

<sup>14</sup> Mi yıpiki iikamım kımıir nwırın siya maka nii, kıma kamım Adi Komıı siir dimınım sıııir bıı nwowıyım sııııirım dikiugi mi sıma wa nıti mi Adi Komıı siirımın nhwo pa kwışboını, ti inkamın siirım. Mi sıma wam wa naokınki siir idwo, Bııyan Inkam Komıı siir inıg iıir.

<sup>15</sup> Mi sıma Adi Komıı siirım kwışboını mi ha naıngwo tıbmıı kını siya ti inkamın siirın ha whındıraerari mi Bııyan Inkam Komıı siya kırıirın wa mi whınkınsııs haıgınıuwi mi kırıirın wı wadıeyar nwowaıgınıuwi. Kıma dimın bıyıe tıri mi Adi Komıı siya kımıir dimın bıyıe imııırın wa haiyoprimdıyımııgi mi ti dimın bıyıeyım wa namki.

<sup>16</sup> Dimusi rani, ti dimın bıyıe imıırsika. Iikam



kima irni nwirni dinboinmamauu dimin biyieyim kima tirim mi Adi Komii siirim kwisboini irni nwirniyim siya wa whindiriraeri mi kimiirin wi wadieya nwowaiginiuwi. Iikamim yipiki Adi Komii siir wakaeyokna apim mi Adi Komii siya wa wakaei diminim sima kwisboini. Mi siya wa whindiriraeri ti diminin sima kwisboinim.

<sup>17</sup> Ilaija yipiki biya nwowin, siya inkamkin iikam krimiir hiriinanaargin. Mi siya Adi Komii siirim kwisboinanaekin naoki kipi kin. Mi biewi waiyaeyim whwoim mi bwanim iriyyar whir naoki kin karamae nwowim.

<sup>18</sup> Mhoiia siya Adi Komii siirim swoki kwisboinkiyin mi naowin ina swoki kinin. Mi naowin ha kinin mi sasaeyim ina igiyim. Mi hiriinan saiirsika krima Adi Komii siirim sriinanae mi siya krimiirin wa wakaei mi wa mi whindiriraerar haiginiuwi. Iriig.

<sup>19</sup> Ti kariir nomiiyauim, ti iikamim krimiir nwirin siya Adi Komii siir yai kibi aiir haiburgigi mi siirin inkam nwrki swoki kiyainami Adi Komii siir wakaeyokna apim,

<sup>20</sup> siya ta saiir dinokninkin, yipiki inkamkin ti inkamin siir swoki kiyainamin, yipiki Adi Komii krimiir Wanin siir haiburgigin mi siir Yai Win Kibi aiirim naingwo tibmii karamae nwowin, siya siir kwoinbud iirar whindiriraerarnakin mi ta hiriinan saiirsika, siya wi paeni omin siir nam tani. Mi siya tirikin Adi Komii siirin ti inkamin siir dimin bibiyeyim simiir haiy-oprimdiyiumiigiyim biya siya tirim. Iriig.

**Yai Win Kibiya**  
**The New Testament in the Sepik Iwam Language of**  
**Papua New Guinea**  
**Nupela Testamen long tokples Sepik Iwam long**  
**Niugini**

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 18 Apr 2025 from source files dated 31 Aug 2023

5350dc83-93b2-5000-9c98-dcdb728ba84f